



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

Rruga "Jordan Misja", Pranë Gjykatës së Krimeve të Rënda

Tel. +355 4 2232 852

Nr. 439 Prot.
(lutemi referojuni në rast përgjigje)

Tiranë, më 07 . 04 .2010

Lënda: Dërgohet raporti statistikor mbi aktivitetin e Shërbimit të Provës për muajin Mars 2010

Drejtuar: **Z. BUJAR NISHANI**
MINISTËR I DREJTËSISË

TIRANË

I nderuar Z. Ministër!

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative"", po Ju paraqesim raportin statistikor mbi aktivitetin e Shërbimit të Provës për muajin Mars 2010.

Duke Ju uruar punë të mbarë!

DREJTOR I PËRGJITHSHËM

ARBEN SEFGJINI

Konceptoi: Saimir Shyti
Datë 07.04.2010



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PERGJITHESHME

R A P O R T
PËR MUAJIN MARS 2010

I nderuar Zoti Ministër,

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për muajin Mars 2010.

I. Statistika

Për periudhën 01-31 Mars 2010, Shërbimi i Provës ka kryer një volum pune të madh, duke marre parasysh faktin që numri i specialistëve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialistë mbikqyrin, si dhe kërkesat nga Gjykata dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet që pasqyrojnë punën që ka kryer e po kryen institucioni do të jepen me anë të të dhënave si më poshtë:

Për periudhën Mars 2010, statistikat rezultojnë si më poshtë:

1. Numri total i të dënuarve me dënime alternative që mbikëqyren nga Shërbimi i Provës.

Numri total i të dënuarve me dënime alternative që mbikëqyren nga Shërbimi i Provës në të gjithë vendin, për periudhën 01.06.2009 - 31.03.2010 është 1167 të dënuar, për muajin mars 2010 (nga 01.03.2010-31.03.2010) është shtuar me 115 të dënuar.

- Në territorin që shtrin kompetencat Zyra Vendore Tiranë mbikëqyren në komunitet nga Shërbimi i Provës **589** të dënuar me dënime alternative.
- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës **184** të dënuar me dënime alternative.
- Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës **237** të dënuar me dënime alternative.

- Në territorin që shtrin kompetencat Zyra Vendore Shkodër mbikqyren në komunitet nga Shërbimi i Provës **157** të dënuar me dënime alternative.

2. Numri mesatar i të dënuarve me dënime alternative që mbikqyren nga një punonjës i Shërbimit të Provës në nivel vendi dhe zyre vendore.

Aktualisht është **43** numri mesatar i të dënuarve që mbikqyren nga një punonjës në nivel vendi. E shprehur kjo për çdo zyrë vendore , është si më poshtë:

- Zyra Vendore Tiranë ka nën mbikëqyrje **59** të dënuar për çdo punonjës.
- Zyra Vendore Durrës ka nën mbikëqyrje **30** të dënuar për çdo punonjës.
- Zyra Vendore Fier ka nën mbikëqyrje **47** të dënuar për çdo punonjës.
- Zyra Vendore Shkodër ka nën mbikëqyrje **26** të dënuar për çdo punonjës.

Duke ju referuar statistikave, për muajin Mars 2010 kemi nje shtesë prej **115** të dënuarish nën mbikqyrje gjë e cila rrit dhe ngarkesën e punës për specialistët.

3. Numri i të dënuarve për secilin lloj dënimi alternativ.

Statistikat për periudhën **01.06.2009 - 31.03.2010**, për secilin lloj dënimi alternativ, janë si më poshtë:

- **950** persona janë dënuar nga gjykata duke u aplikuar neni 59 i KP "pezullim i ekzekutimit të dënimit me burgim dhe vënia në provë", shifër kjo e barabartë me **81.4%** të të gjithë të dënuarve me dënime alternative.
- **17** persona janë dënuar nga gjykata duke u aplikuar neni 59/a i KP "qëndrim në shtëpi", shifër kjo e barabartë me **1.46%** të të gjithë të dënuarve me dënime alternative.

- 82 persona janë dënuar nga gjykata duke u aplikuar neni 63 i KP "Pezullim i ekzekutimit të vendimit me burgim dhe detyrimi për kryerjen e një pune në interes publik", shifër kjo e barabartë me 7.03% të të gjithë të dënuarve me dënime alternative.
- 118 persona janë dënuar nga gjykata duke u aplikuar neni 64 i KP "Lirim me kusht", shifër kjo e barabartë me 10.11 % të të gjithë të dënuarve me dënime alternative.
- asnjë person nuk është dënuar nga gjykata duke aplikuar nenin 58 të KP "gjysëmliria".

Këto të dhëna pasqyrohen më poshtë, në Tabelën 2.

Tabela 2: Numri i të dënuarëve sipas llojeve të dënimeve alternative të dhëna nga Gjykata për periudhën 01.06.2009 - 31.03.2010.

Nr	LLOJI I DENIMEVE ALTERNATIVE	Nr: TOTAL	TOTALI NE %
1	Pezullimi neni 59 i KP	950	81.4%
2	Qendrimi ne shtepi neni 59/a i KP	17	1.46%
3	Lirimi me kusht neni 64 i KP	118	10.11%
4	Pune në interes publik neni 63 i KP	82	7.03%
5	Gjysem liria neni 58 i KP	0	0.00%
TOTALI		1167	100%

Deri në muajin Shkurt 2010 numri i të dënuarve me "punë në interes publik" ishte 78, ndërsa për periudhën 01.06.2009 - 31.03.2010, ky numër ka shkuar në 82.

4. Raportet e Vlerësimit me kërkesë të gjykatës dhe prokurorisë.

Konkretisht për muajin Mars 2010:

- ❖ Janë kërkuar nga gjykata 50 raporte vlerësimi për persona të pandehur dhe të dënuar,
- ❖ Janë kërkuar nga prokuroritë 25 raporte vlerësimi për persona nën hetim dhe të pandehur,
- ❖ Kanë ardhur 113 urdhëra ekzekutimi nga prokuroritë e rretheve gjyqësore, nga të cilët 22 urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikqyrjes për ta.

Ndërsa në total volumi i punës së Shërbimit të Provës për periudhën 01.06.2009 - 31.03.2010 jepet si më poshtë:

- ❖ janë kërkuar nga gjykata 649 raporte vlerësimi për persona të pandehur dhe të dënuar,
- ❖ janë kërkuar nga prokuroritë 132 raporte vlerësimi për persona nën hetim dhe të pandehur,
- ❖ Kanë ardhur 1167 urdhëra ekzekutimi nga prokuroritë e rretheve gjyqësore, nga të cilët 150 urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikqyrjes për ta.

II.-Problematika e punës.

1.- Problem i Hapjes se Zyrave Vendore te reja.

Sikurse Ju kemi bërë me dije, në Raportin për aktivitetin e Shërbimit të Provës, dërguar me tonën rr. 365 Prot., datë 06.10.2009, si dhe me shkresën nr. 493 prot., datë 03.12.2009 (ku kërkojmë ndryshimin e strukturës dhe organikës së Shërbimit të Provës), problemi kryesor i Shërbimit të Provës është hapja e zyrave të reja vendore me vendodhje të paktën në rrethet gjyqësore Lezhë, Korçë, Elbasan, Gjirokastër me qëllim administrimin dhe ushtrimin e funksioneve në mënyrën e kërkuar nga ligji.

Shërbimit të Provës po ushtron funksionet e tij me një staf që po punon me kërkesa të larta, por vështirësitë janë në rritje. Mjafton të përmendim se deri tani janë në mbikqyrje nga institucioni ynë 1167 të dënuar, ose mesatarisht **43 të dënuar për çdo specialist**, numër i cili vazhdon të rritet.

Kjo shifër, në krahasim me standartet e vendeve europiane, ku numri mesatar i të dënuarve për specialist është rreth 30-35 persona, është më e lartë pa shtuar ketu faktin se punonjësit tanë deri më tani kanë hartuar mesatarisht edhe **29 raporte vlerësimi për specialist**, sipas kërkesave të gjykatave dhe prokurorive.

Gjithashtu, vihet re së fundmi edhe rritja e fluksit të kërkesave për raporte vlerësimi nga Prokuroritë e Rretheve Gjyqësore gjë që e bën të papërbalueshme ngarkesën e punës.

Pra, për sa më sipër, në këto kushte emergjente në të cilat ndodhemi, e ripërsërisim kërkesën tonë, për hapjen e Zyrave të reja vendore, për të zbatuar me korrektësi detyrat që na ngarkon ligji.

2. Problem i shtimit të organikës.

Po kështu me shkresën tonë nr. 493 prot., datë 03.12.2009, ju kemi parashtruar dhe problemin e shtimit të organikës së Shërbimit të Provës, kërkesë e cila është shumë e nevojshme për t'u realizuar, duke patur parasysh kushtet aktuale të rritjes së ngarkesës dhe cilësisë së punës.

3.- Problemi i infrastrukturës.

Përgjithësisht kushtet e punës në ambientet e ZVSHP janë përmirësuar ndjeshëm. Një nga problemet që kemi, është sistemimi sa më shpejt në zyra për ZVSHP Fier, për të cilën ju kemi dërguar shkresën tonë nr. 118 prot., datë 25.01.2010, ku kërkojmë dhe ndërhyrjen tuaj për zgjidhjen e këtij problemi.

Duke shpresuar se kemi dhënë një analizë që pasqyron me objektivitet punën e kryer, si dhe një paraqitje të problematikës themelore nga Shërbimi i Provës, Ju sigurojmë se zbatimi i të gjithë detyrave funksionale, rritja e nivelit dhe e profesionalizmit do të jenë prioritete të punës sonë edhe në të ardhmen.

Me respekt,

DREJTORI I PËRGJITHSHËM

ARBEN SEFGJINI

